

2022-2023 Tiuv yietv nyeic gong-bou jauv-louc liouh lorx weic faan sic
([Naaiv bienh doz-leiz Senate Bill 188](#), Paaiv njiec naaiv ginc 49, Benx doz-leiz maac 2022)

Wueic laaix haaix nyungc cingx zuqc tiuv siang?

Ninh mbuo deic jei gorn zangc nyei baengc mienh, horpc jaa, aengx caux bouc sengh nyei mienh maaih waac mbuox taux gorngv naaiv deix yietv nyeic gong-bou jauv-louc liouh tengx caeqv mv doix-dongh nyei waac a'duqv bieqc hnyiouv haic, a'duqv paaiv funx mv cing, aengx caux haih haeqv doic nyei, beiv taux cai waac-ormv naaic taux jien jaa nyei waac buatac gorngv duqv seix haic a'fai mv zeiz ndorm zinh nziouv hmuangx gorngv nyei waac. Ninh mbuo haix oix lorx dorngx nzieqc nyei liouh tengx caeqv nzaanz sic dauh waac-nyiouz caux deic jei gorn zangc liuc leiz taux horpc bouc puix-juang aengx caux njiec lingc dunx tengx ziux goux nyei gong-bou jauv-louc. Maaih camv-norm horpc jaa mienh corc maaih waac mbuox taux gorngv ninh mbuo dorng leiz tengx yiem hlen nyei mienh haix ninh mbuo zuqc zatv haiv mv caux deic jei gorn zangc fih ndongc yiem njiec caeqv sic nyei ziangh hoc, aengx caux ninh mbuo yaac mv duqv zipv ziangh hoc gaux a'fai mv duqv zipv zinh nyaanh tengx lorx weic faan sic mbienh taux deic jei gorn zangc njiec lingc dunx nyei waac.

Maaih haaix nyungc tiuv siang?

Doz-leiz paaiv taux lorx weic faan sic nyei jauv-louc se duqv [tiuv siang](#) liouh tengx zoux bun naaiv deix yietv nyeic gong-bou jauv-louc heic faaux. Naaiv bienh doz-leiz tiuv siang wuov se duqv jiex gorn longc daaih yiem naaiv faah hlaax saengh 1, 2023. Naaiv deix tiuv siang nyei dorngx se maaih:

- Naaiv normkou-gong gorn ziux goux ndoqc laanh mienh (IPP) nyei gong-mienh aengx caux deic jei gorn zangc njiec lingc dunx sic nyei mienh a'zuqc corngh mangc longx gorngv meih zien qiexm zuqc longc haaix nyungc gong-bou jauv-louc ziux goux, maaih haaix nyungc sic dauh jauv-louc zorv zuqc mv haih duqv zipv ziux goux, aengx caux corc maaih haaix nyungc zengc njiec dung h meih oix mbuox ninh mbuo duqv hiuv.
- Beiv hngv meih caux deic jei gorn zangc mv haih doix-dongh gorngv mv njiec ndongh nor, ninh mbuo a'zuqc tih meng h fiex bun hiuv taux njiec buoz zoux nyei gong, fai heuc NOA. Naaiv zeiv lorqc doih daan se funx benx gorngv meih duqv njiec nzoih mbuoz yiem IPP kou-gong gorn, faaux nzoih qiexm zuqc longc nyei gong-bou jauv-louc liouh ziux goux a'fai corc maaih haaix nyungc zengc njiec mv mv doix-dongh gorngv mv njiec ndongh nyei waac hietv nzoih. Beiv hngv deic jei gorn zangc maaih waac sienx gorngv meih doix-dongh mi'aqc nor, ninh mbuo a'zuqc zoux fiex fungx benx “Zien ziepc zuoqv laangh fiem fiex” funx bun hiuv.
- Ninh mbuo ceiz gong-bou jauv-louc nyei dinc zangc domh gorn (DDS) duqv zeix cuotv naaiv norm siang [website](#) liouh bun longc lorx weic faan sic nyei gong, bun waac-fienx mbuox hiuv, aengx caux laangc zeiv-daan aengx caux waac-gorn hiuv taux yietv nyeic jauv-louc. Naaiv deix siang-waac-fienx se duqv hietv njiec yiem naaiv norm website liouh porv mbuox nzoih yietc zungv gong-bou jauv-louc, hngv haaix liuc leiz zoux yiem njiec zoqc kang jauv-louc, aengx caux hngv haaix lorx mienh tengx nzie.

- DDS corc duqv zoux lorx weic faan sic nyei siang-zeiv daan liouh bun bieqc dinh sou-nzangc yiem online. Naaiv zeiv lorx weic faan sic nyei siang-zeiv-daan corc bun meih duqv ginv jauv-louc gorngv oix jaa-ndaangc mv tong zuangx caangh laangh ndaangc, lorx ba'ndongx-mienh tengx kuinx waac, a'fai tengx corng h sic. Jiex mingh zaih deix meih corc haih tiuv hnyiouv gorngv oux longc haaix nyungc jauv-louc yaac duqv nyei oc.
- lh zanc tov lorx weic faan sic nyei sou se duqv fungx bieqc bun taux DDS ndaangc dorh fungx bun taux deic jei gorn zangc dungh benx njiec lingc dunx nyei waac.
- lh zanc meih maaih bouc dauh ziangh hoc benx 60 norm zoux gong nyei hnoi liouh lorx weic tengx faan sic gorngv taux deic jei gorn zangc njiec lingc dunx nyei waac wuov mingh div jiex lox nyei 30 hnoi nyei buonc.
- Ninh mbuo deic jei gorn zangc mv maaih leiz bun lorx leiz sai daaih tengx paaiv sic yiem njiec jaa-nziouv mv tong zuangx caangh laangh nyei dorngx, lorx ba'ndongx-mienh tengx kuinx sic, a'fai tengx corng h sic se gorngv mv zeiz meih benx ninh mbuo nyei leiz sai a'fai mbenc duqv maaih leiz sai hhangv meih wuov.
- Daauh nzunh meih corc haih tov heuc tengx ganh dingc ziangh hoc siang liouh tengx corng h sic bun tuix hnoi-nyieqc zaih deix yaac duqv.
- Ninh mbuo deic jei gorn zangc a'zuqc zoux sou bun meih hiuv taux ninh mbuo duqv liuc leiz njiec buoz zoux haaix nyungc gong mi'aqc. Naaiv zeiv sou a'zuqc fiev nzoih wueic laaix haaix nyungc ninh mbuo cingx hhangv naaiv njiec lingc dunx, bangc haaix bienh doz-leiz, aengx caux haaix nyungc sou-gorn.
- Beiv hhangv meih maaih liouc siouv mienh tengx hlaau ndorqc mangc a'fai douc sou-fienx mbuox taux lorx weic faan sic jauv-louc wuov, meih a'zuqc dorh bun taux deic jei gorn zangc. Meih corc a'zuqc dorh haaix deix mienh nyei mbuoz dungh caux meih muangx tengx corng h sic bun daaih duqv hiuv.
- Ninh mbuo liuc leiz nanv sic nyei jien jaa a'zuqc mbenc dorngx bun meih taan waac-fienx bun muangx yiem njiec corng h sic nyei ziangh hoc aengx caux muangx nzoih zien kuv waac.
- lh zanc DDS duqv njiec lingc dunx benx lorqc laai waac liouh ziux zoqc nyungc sic dauh neqv mbuox [bun hiuv nzoih](#).
- Beiv hhangv meih hnamv corc maaih dorngx dorngc zuqc doz-leiz, zien waac-gorn, a'fai liuc leiz mienh zoux dorngc nor meih a'zuqc tov heuc ninh mbuo ganh tengx corng h siang njiec lingc dunx lorqc laai nyei sic yiem njiec 15 hnoi bouc dauh ga'nyuoz.
- Deic jei gorn zangc a'zuqc [nzipc](#) jienv tengx corng h lorqc laai sic yiem 30 norm zoux gong hnoi yiem zipv haix liuz njiec lingc dunx nyei sic a'fai zorc njiec lingc dunx nyei waac. Beiv hhangv ninh mbuo corc mv tengx liuc leiz nor, meih a'zuqc tov heuc DDS tengx nzie weih meih.
- Ninh mbuo dingc leiz zaamc nyei dinc zangc gorn nyei nanv sic mienh duqv jiex gorn [caux zuangx nanv sic mienh](#) tengx liuc leiz zorc gorngv daaih nyei waac liouh zorc corng h sic nyei gong.

lh zanc yie mbuo duqv zoux taux haaix mi'aqc?

DDS nzipc jienv baeng gorng zoux lorx weic faan sic nyei bouc dauh jauv-louc heic faaux liouh ganh ga'ganh aengx caux huov jaa haih longc. Beiv hhangv meih oix gorngv haaix nyungc bun muangx a'fai maaih siang-za'eix oix heuc zorc da'nyeic-diuc gong, tov daaix luic juix email appealsinput@dds.ca.gov.